

## Frá Glerárskóla mánudaginn 16. mars 2020

Kæru forráðamenn nemenda í Glerárskóla

Nú er komið skipulag Glerárskóla fyrir næstu viku. Skipulagið felur í sér margskonar breytingar sem við biðjum forráðmenn að huga að og lesa vel. Allar tillögur eru unnar samkvæmt tilmælum Almannaþingarinnar og Ríkislögreglustjóra í samráði við fræðslufyrirvöld og bæjaryfirvöld Akureyrarbæjar.

Mjög mikilvægt er að forráðamenn ræði skipulagið vel og vandlega við börnin sín því þau verða að fylgja því eftir í hvívetna. Við bendum líka á að skipulagið getur breyst og því verða allir að fylgjast vel með heimasíðu/fésbók og tilkynningum frá skólanum í tölvupósti.

Nemendur verða að hlíta öllum fyrirmælum starfsfólks og því skipulagi sem skólinn setur sér. Ef nemendur gera það ekki verður haft samband við forráðamenn og þeir beðnir að sækja viðkomandi nemanda/nemendur.

Afar mikilvægt er að huga vel að hreinlæti og ræða oft við börnin um handþvott og sprittun. Skólanum verður skipt niður í einingar og munu nemendur ekki fara á milli eininga heldur vera í sínum stofum allan skólatímann.

Sund, íþróttir, list- og verkgreinar og valgreinar verða ekki kenndar samkvæmt stundaskrá en hugað verður að öllum þáttum námsins eins og best verður á kosið. Bókasafn verður lokað.

Ákveðnir kennarar/starfsfólk verða með sömu hópa nemenda allan daginn í sömu stofum en hugað verður vel að hreyfingu og hvíld hjá öllum. Þetta er mikið álag og því gott að búa börnin undir að við verðum öll að standa saman til að þetta megi takast. Áhersla verður lögð á nám og kennslu en gætt verður að fjölbreyttni.

### SKIPULAG GLERÁRSKÓLA:

Nemendur munu mæta á mismunandi tímum í skólann og í gegnum mismunandi innganga en skólahúsnæðið opnar ekki fyrr en kl. **8:15**.

Mjög mikilvægt er að nemendur mæti ekki fyrr en á þeim tíma sem þeirra skólastarf hefst og eins er mikilvægt að brýna fyrir börnunum að þau fari beint heim að skóla loknum. Nemendur verða að nota þá innganga sem sjá má hér fyrir neðan.

<b>INNGANGUR A- álmu: Inn um þennan inngang mæta 65 nemendur:</b>
<b>8. KJ</b> mætir kl. 8:15 og fer inn í stofu A2 ásamt kennara - fara heim kl. <b>12:15</b>
<b>9. AGJ og 9. SV</b> mæta kl. 8:25 og fara í stofur A3 og A5 ásamt kennara - fara heim kl. <b>12:25</b>
<b>10. RLB</b> mætir kl. 8:35 og fara í stofu A1 ásamt kennara - fara heim kl. <b>12:35</b>

<b>INNGANGUR við B- álmu - austan: Inn um þennan inngang mæta 148 nemendur:</b>
<b>1. bekkur:</b> Mætir kl. 8:15 - fer heim kl. <b>13:05</b>
<b>2. bekkur:</b> Mætir kl. 8:25 - fer heim kl. <b>13:15</b>

<b>3. bekkur:</b> Mætir kl. 8:35 - fer heim kl. <b>12:55</b>
--

<b>4. bekkur:</b> Mætir kl. 8:45 - fer heim kl. <b>12:45 - 12:50</b>
--

<b>INNGANGUR D-álmú norður: Inn um þennan inngang mæta 67 nemendur</b>
--

<b>5. bekkur:</b> Mætir kl. 8:15 - fer heim kl. <b>12:20</b>
--

<b>6. bekkur:</b> Mætir kl. 8:25 - fer heim kl. <b>12:30</b>
--

<b>INNGANGUR – tengiálma/ aðalinngangur: Inn um þennan inngang mæta 80 nemendur</b>
---

<b>7. bekkur:</b> Mætir kl. 8:25 - fer heim kl. <b>12:25</b>
--

<b>8. SLB:</b> Mætir kl. 8:15 - fer heim kl. <b>12:15</b>
---

<b>10. FP:</b> Mætir kl. 8:35 - fer heim kl. <b>12:35</b>
---

#### **Matur:**

Nemendur í 1. – 4. bekk fá hádegismat í mötuneyti en eins og sjá má hér að ofan líkur skóla hjá eldri nemendum í kringum 12:30 og eru þeir ekki í mat í skólanum. Engin sjoppa verður starfrækt í skólanum en við hvetjum alla til að nesta börnin vel svo enginn verði svangur. Engin ávaxta- né mjólkuráskrift verður í boði.

#### **Frístund:**

Frístund verður opin fyrir nemendur í 1. – 4. bekk. Nemendur 1. og 2. bekk verða í sínum stofum en nemendur í 3. og 4. bekk verða í frístundarými. Boðið verður upp á hressingu í frístund. Áskrift verður ekki breytt í mars.

Forráðamenn þurfa að láta vita fyrir þriðjudag hverrar viku hvort þeir ætla að nýta sér frístund fyrir börnin sín eða ekki þá vikuna. Senda má póst til forstöðumanns frístunda á netfangið:

[heidahronn@akmennt.is](mailto:heidahronn@akmennt.is)

#### **Þrif í skóla:**

Skólinn verður þvegin og sprittaður reglulega yfir skóladaginn. Eftir að skóladegi lýkur verður allur skólinn þrifinn og sprittaður.

#### **Forráðamenn og skóli:**

Ef forráðamenn þurfa að koma í skólann biðjum við þá að koma eingöngu í anddyri skólans þar sem þeirra barn kemur inn. Ekki er ætlast til að forráðamenn komi lengra inn í skólann.

Forráðamenn eru hvattir til að nýta tölvupósta ef hafa þarf samband við umsjónarkennara, ritara eða stjórnendur. Einnig eru forráðamenn hvattir til að nýta sér skráningar í Mentor.

Með póstinum fylgir félagsfærnisaga sem forráðamenn geta lesið fyrir börn sín.

Með þakklæti fyrir samstarfið.

Kær kveðja,

Eyrún Skúladóttir skólastjóri Glerárskóla